

**Bourdier de Lamoulière,
Joseph-François - candidat / Mitié,
Jean-Stanislas - président / Cochon
Dupuy, Gaspard - auteur. - An aer
calidus siccus, salubrior ?**

1783.

***Paris : Typis Quillau,
Universitatis & Facultatis
Medicinae Typographi
Cote : ms 2337a n°93***



DEO OPTIMO MAX.
UNI ET TRINO,
VIRGINI DEI-PARÆ, ET S. LUCÆ,

Orthodoxorum Medicorum Patrono.

BIU Sante
Médécine
Paris

QUÆSTIO MEDICA,*

CARDINALITIIS DISPUTATIONIBUS

*manè discutienda, in Scholis Medicorum, die Martis primâ
mensis Aprilis, anno Domini M. DCC. LXXXIII.*

M^o. JOANNE - STANISLAO MITTIÉ, Regiæ Scientiarum &
Litterarum Nancei Academiæ Socio, necnon Stanislai Primi
Poloniarum Regis olim Medico ordinario, Præside.

An aer calidus siccus, salubrior?

I.

MEDICINA curatrix, nulli obsequens, omnibus imperans;
ratione & observationibus suffulta, stabilis, inconcussaue probatur

* Propugnata 16 Martii 1773 M. GASPARO COCHON DUPUY.

0 1 2 3 4 5 6 7 8 9 10

existere. Certas leges suas habet & regulas, quibus totus subijcitur orbis. Scientia hæc præstantissima circà sanitatem occupata, dum præsentem servat, *υιερτυς* insignitur, vel cum amissam restituit, *ἰατρικὴ* vocatur. *υγιεινῆς* Summa laus esto. Medicaminum necessitas & usus propter erratum in vitæ ratione. Ter felix ille qui sanus est & bene valet; forte suâ utatur, nec abutatur. A statu sano qui recedit, in eodem, aut non, vel ægrè, nec absque fastidio restituitur.

I I.

SANITAS in functionum integritate posita est. Dum adest, actiones homini propriæ facilè, jucundè & cum quâdam constantiâ fiunt. Omne quod sanitatem conservat præsentem, id tibi salubrè vocandum. Res non naturales proprium prophylaxeos objectum. Istud nomen audiunt, eò quod humani corporis compositionem non ingrediantur. Sex vulgò numerantur. Aer, cibus & potus, somnus & vigilia, motus & quies, excreta & retenta & animi pathemata, hæc omnia salubria vel insalubria fiunt. Cautio igitur in eorum usu adhibenda, delectus etiam habendus. Has inter aëris ratio magni momenti. Ab illo indefinenter & necessariò corpus afficitur, qui calidus & siccus est aër præ cæteris salubrior. Dotibus ad sanitatem servandam morbos vè arcendos is magis præditus est, minoresque noxas infert, talis igitur eligatur vel arte procuretur.

I I I.

LIQUIDI moles illa corpus nostrum immediatè ambiens, quam inspiratu ducimus, aëris nomine intelligenda venit. Nullum in hac sensili rerum naturâ fluidum virtutis efficaciam præstantius quam aër. Pondere is & elaterio maximè pollet. Sanitatis & morborum opportunus Author aër, si plus aut minus vapore gravior, & morbidis fordibus inquinatior sese in corpus inferat nos extrà premit undique circumfusus, ac diversimodè pro sui conditione laxat, remollit, densat, constringit. Non modò demersus ille unâ fertur in flumen sanguineum, sed ipsum etiam indefinenter permeat inspiratus & cum eo quoquo versum in penitiorem partium compagem delabitur. In aère calido

siccus, purpureo vires qui capit ab ortu, felicius perspiratio laudabilis, bona respiratio peragitur. Talis aer nullo vapore gravior quam par est suo liberè gaudet elaterio, nec inquinatus sanguini labem inurit. Pulmonis indè facilior explicatio in ejus vasis contenti laticis tritus fortior, divisio major. A pulmone in sinistrum cordis ventriculum, & à corde per aortam in omnes corporis partes sanguinis ejusdem validior impulsus, expeditior circuitus à quo secretionem pendent omnes.

I V.

SICUT maxima in aeris delectu tutela sanitatis, ita morborum opportunitas : « Aer non modò externè premens undique, sed per arterias in profundum corporis penetrans, potest reddere corpus levius aut gravius : levius, si tenuis & calidus juvando per spirationem, gravius si crassus & humidus eandem prohibeat ». Si quæras ergò undè ex anni tempestatibus siccitates assiduis imbribus sint salubiores, ratio est quia ubi corpora leviora functiones ejus cum alacritate fiunt. « Aer frigidus corpora debilia refrigerat, eaque vincendo, ponderosiora efficit, humores cogit, densat meatus, stringit; undè obstructio exsiccatio, &c. sequuntur. Si idem nimium sit humidus, laxat, solvit, debilitat fibras, serum auget & indè tusses, peripneumoniæ serosæ, &c. æstate senes maximè valent, hyeme frequens catharus senile guttur opprimit ». austri cum suis collateribus inquit Hippocrates, calidi sunt & humidi, nubium & pluviarum parentes. Idem, austrinæ tempestates corpora planè resolvunt, & humidiora reddunt, tum etiam auditus graves, & capitis gravitates inducunt, totique corpori in movendo difficultatem afferunt.

V.

A peculiari structurâ solidæ corporis partes habent ut influxu fluidi dimoveantur à perpendiculo, ut resiliant ab aère, dum is non sincerus quidem, sed tenuibus quas è sanguinis penu sibi comites habet, particulis intricatus intrâ fibrarum compagem, & intimos subit recessus, ibique coercetur ad motum, si comprimatur, paratissimus. sic

eodem aëre perfusus sanguis comprimi docilis & rarefcere, jugiter in motus agitur intestinos. Aëris & particularum sanguinis æquabili in se mutuò potentiâ, nisu que stat hominis vita, sanitas. Ex dictis suprâ patent aëris frigidi, vel humidi noxæ & incommoda: è contrariò calidi sicci dotes eximix, indè concluditur.

Ergò Aër calidus siccus salubrior.

.V. I

Proponēbat Parisiis JOSEPHUS-FRANCISCUS BOURDIER
DE LAMOULIERE, Bellicinus Saluberrimæ Facultatis Medicinæ
Parisiensis Baccalaureus.

A. R. S. H. 1783. AB OCTAVA AD MERIDIEM.



Typis QUILLAV, Universitatis & Facultatis Medicinæ Typographi. 1783.